


Hoz es il Di dals drets da l'iffaunt



NOVEMBER

Il Di dals drets da l'iffaunt

Che culur haun tieus chavels? Che culur ho tia pel? Est tü grand u pitschen? Sest cuorrer scu ün leopard u tschaintast aint il s-chabè cun roudas? Est tü ün mat u üna matta? Tuot quistas differenzas nu giouvan üngüna rolla. Scha tü nun hest auncha 18 ans, velan ils drets da l'iffaunt eir per te. Els velan per tuot ils iffaunts sün tuot il muond. Che voul que dir? Ün dret es üna chosa ch'ün iffaunt suos-cha fer – ed ils creschieus stöglan respunder e proteger als iffaunts. Per trer adimaint quecò, do que il Di dals drets da l'iffaunt ils 20 november. Ils 20 november da l'an 1989 haun nempe bod tuot ils pajais dal muond suottascrit la convenziun dals drets da l'iffaunt.

Que voul dir ch'els stöglan as tgnair vi da las 54 cunvegnas. E per te e tuot ils oters iffaunts es que important da cugnuoscher ils drets!

Cò tschinch d'els:

- Iffaunts suos-cha dir che ch'els pensan.
- Iffaunts suos-cha fer giò cun oters iffaunts.
- Iffaunts suos-cha ir a scoula ed imprender, els suos-cha chatter our che chi plescha ad els e che talents ch'els haun.
- Iffaunts stöglan gnir protets, per ch'üngün nu fatscha mel ad els.
- Iffaunts drouvan temp liber per giuver, els haun eir il dret da fer art e d'esser creativs.

Chi protegia a te?

Che suos-chast tü decider a chesa?
Inua nun hest tü da dir ünguotta?

Sest tü cha tü poust adüna
dir ti'opiniun?



Cu füess que, scha'ls iffaunts regnessan
il muond? Pittüra quist muond.

Che drouvan ils iffaunts
sün tuot il muond?

Gö our i'l liber

Preparaziun


- 1 Tagliè our las cartinas cullas lezchas e las plajè.



Gè our i'l liber e fè il gö.

- 2 Pigliè cun vus cridas e tscherchè üna piazza in ün lö sgür. Disegnè cullas cridas üna figüra chi ho taunts queders scu cha vus vais cartinas cun lezchas.
- 3 Mincha iffaunt bütta ün crap illa figüra e fo la lezcha chi tuocho tar il numer dal queder inua cha'l crap es placho. Il gö vo in rouda fin cha minch'iffaunt ho fat almain üna lezcha.

Ideja: Ils iffaunts paun eir inventer sves dumandas.



Tschercha ova. Piglia in maun
l'ova.

1

Innombra tuot las charteras in
quista via.

4

Fo precis 100 pass in üna
direcziun. Inua rivast?

2

Tschercha ün baunchin.
Tschainta giò e fo üna posa.

5

Innombra tuot las persunas cha
tü vezzast.

3

Tuocha trais fatschedas da chesa
da different materiel:

- lain
- mür
- crap

6

Tschercha üna maisa
e struozcha't suot'our.

7

Innombra tuot las fnestras cha
tü vezzast.

10

Tschercha trais chosas:

- cotschnas
- blovas
- arduondas

8

Vo in tieu lö predilet. Cu guarda
que our lo?

11

Giuvè a zupper. Ils oters iffauts
as zoppän. Tü als tscherchast.

9

Tschercha üna s-chela da giats.

12